

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻ ՇԱՐՔ ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ ՈՐՈՇՈՒՄ

«_____» _____ 2023թ. N _____-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻ ՇԱՐՔ ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2015 թվականի օգոստոսի 6-ի «Օտարերկրյա օդանավ շահագործողների և օդանավ շահագործող չհանդիսացող իրավաբանական կամ ֆիզիկական անձանց կողմից Հայաստանի Հանրապետություն մեկանգամյա ոչ կանոնավոր օդային հաղորդակցությունների իրականացման թույլտվություններ տալու կարգը հաստատելու մասին» թիվ 965-Ն որոշմամբ հաստատված հավելվածում կատարել հետևյալ փոփոխությունները.

1) 3-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչության (այսուհետ՝ գլխավոր վարչություն)» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարության (այսուհետ՝ Նախարարություն)» բառերով.

2) ամբողջ տեքստում «գլխավոր վարչություն» բառերը և դրանց համապատասխան հոլովածները փոխարինել «Նախարարություն» բառով և դրա համապատասխան հոլովածներով.

3) 14-րդ կետը շարադրել հետևյալ խմբագրությամբ.

«14. Մեկանգամյա ոչ կանոնավոր օդային հաղորդակցությունների թույլտվությունների տրամադրման կամ մերժման իրավասություն ունեցող նախարարության պաշտոնատար անձանց ցուցակը հաստատվում է

Նախարարի հրամանով:»:

4) 15-րդ կետը շարադրել հետևյալ խմբագրությամբ.

«15. Նախարարության կողմից տրված չվերթերի իրականացման թույլտվությունները գործում են 48 ժամ հայտերով նախատեսված չվերթերի իրականացման պահից սկսած:»:

5) 16-րդ կետը շարադրել հետևյալ խմբագրությամբ.

«16. Մեկանգամյա ոչ կանոնավոր օդային հաղորդակցությունների իրականացման ընթացակարգերի վերաբերյալ հակիրճ տեղեկությունները նախարարության կողմից պարբերաբար հրապարակվում են նախարարության <http://www.mtad.am> պաշտոնական ինտերնետային կայքում և Հայաստանի Հանրապետության «Աերոնավիգացիոն տեղեկատվական ժողովածու» (ԱՏԺ) փաստաթղթում:»:

6) «III ԱՅԼ ԴՐՈՒՅԹՆԵՐ» բաժնում կատարել լրացում հետևյալ բովանդակությամբ.

«17. Սույն կարգով նշված ժամերի հաշվարկները վերաբերելի են միայն աշխատանքային օրերին:»:

2. Հայաստանի Հանրապետության կառավարության 2015 թվականի օգոստոսի 6-ի «Հայաստանի Հանրապետությունում գրանցված օդանավ շահագործողների և օդանավ շահագործող չհանդիսացող իրավաբանական կամ ֆիզիկական անձանց կողմից մեկանգամյա ոչ կանոնավոր օդային հաղորդակցությունների իրականացման թույլտվություններ տալու կարգը հաստատելու մասին» թիվ 966-Ն որոշմամբ հաստատված հավելվածում կատարել հետևյալ փոփոխությունները.

1) 3-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչության (այսուհետ՝ գլխավոր վարչություն)» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարության (այսուհետ՝ նախարարություն)» բառերով.

2) ամբողջ տեքստում «գլխավոր վարչություն» բառերը և դրանց համապատասխան հոլովածները փոխարինել «նախարարություն» բառով և դրա համապատասխան հոլովածներով.

3) 13-րդ կետը շարադրել հետևյալ խմբագրությամբ.

«13. Մեկանգամյա ոչ կանոնավոր օդային հաղորդակցությունների թույլտվությունների տրամադրման կամ մերժման իրավասություն ունեցող նախարարության պաշտոնատար անձանց ցուցակը հաստատվում է նախարարի հրամանով:» :

4) 14-րդ կետը շարադրել հետևյալ խմբագրությամբ.

«14. Նախարարության կողմից տրված չվերթերի իրականացման թույլտվությունները գործում են 48 ժամ՝ հայտերով նախատեսված չվերթերի իրականացման պահից սկսած:»:

5) 15-րդ կետը շարադրել հետևյալ խմբագրությամբ.

«15. Մեկանգամյա ոչ կանոնավոր օդային հաղորդակցությունների իրականացման ընթացակարգերի վերաբերյալ հակիրճ տեղեկությունները նախարարության կողմից պարբերաբար հրապարակվում են նախարարության <http://www.mtad.am> պաշտոնական ինտերնետային կայքում:»:

6) «III ԱՅԼ ԴՐՈՒՅԹՆԵՐ» բաժնում կատարել լրացում հետևյալ բովանդակությամբ.

«16. Սույն կարգով նշված ժամերի հաշվարկները վերաբերելի են միայն աշխատանքային օրերին:»:

3. Հայաստանի Հանրապետության կառավարության 2015 թվականի օգոստոսի 6-ի «Կանոնավոր առևտրային օդային փոխադրումների հավաստագրման համար հայտերի քննարկման հարցերով խորհուրդ ստեղծելու, դրա կազմը և գործունեության կարգը հաստատելու և Հայաստանի Հանրապետության կառավարության 2015 թվականի փետրվարի 26-ի N 203-Ն որոշումն ուժը կորցրած ճանաչելու մասին» թիվ 1003-Ն որոշմամբ հաստատված.

1) N 1 հավելվածում կատարել լրացում հետևյալ բովանդակությամբ.

«Անդամ - ՀՀ տարածքային կառավարման և ենթակառուցվածքների նախարարության օդային տրանսպորտի քաղաքականության և թռիչքների թույլտվությունների վարչության պետ»

2) N 2 հավելվածում կատարել հետևյալ փոփոխությունները.

ա. 3-րդ կետի 2-րդ ենթակետի «քաղաքականության լիազորված մարմին» բառերը փոխարինել «ավիացիայի (բացառությամբ ռազմականի) բնագավառի քաղաքականությունը մշակող և իրականացնող համապատասխան նախարարության (այսուհետ՝ լիազորված մարմին)» բառերով.

բ. 4-րդ կետը շարադրել հետևյալ խմբագրությամբ.

«4. Հայտերի քննարկման նախապատրաստական աշխատանքները կատարում է լիազորված մարմնի օդային տրանսպորտի քաղաքականության և թռիչքների թույլտվությունների վարչությունը (այսուհետ՝ քարտուղարություն), որն իրականացնում է խորհրդի քարտուղարության գործառույթները:»:

4. Հայաստանի Հանրապետության կառավարության 2015 թվականի օգոստոսի 6-ի «Օտարերկրյա օդանավ շահագործողների կողմից Հայաստանի Հանրապետության տարածք, տարածքի ներսում և տարածքից դուրս կանոնավոր և երկու և ավելի ոչ կանոնավոր առևտրային օդային

հաղորդակցությունների իրականացման թույլտվություններ տալու կարգը հաստատելու մասին» թիվ 1005-Ն որոշման մեջ կատարել հետևյալ փոփոխությունները.

1) N 1 հավելվածում.

ա. 4-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչությունը (այսուհետ՝ Լիազորված մարմինը)» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարությունը (այսուհետ՝ Լիազորված մարմին)» բառերով.

բ. 39-րդ կետը շարադրել հետևյալ խմբագրությամբ.

«39. Օտարերկրյա օդանավ շահագործողները, թղթային տարբերակով հայտերը ներկայացնում են Հայաստանի Հանրապետության տարածքային կառավարման և ենթակառուցվածքների նախարարություն՝ Երևան 0010, Հանրապետության հրապարակ, Կառավարական տուն 3:».

գ. 41-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչություն, Չվարթնոց օդանավակայան 0042, քաղաք Երևան» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարություն՝ Երևան 0010, Հանրապետության հրապարակ, Կառավարական տուն 3» բառերով.

2) N 2 հավելվածում՝

ա. 9-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչություն (այսուհետ՝ Լիազորված մարմին)» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարություն (այսուհետ՝ Լիազորված մարմին)» բառերով.

բ. 39-րդ կետը շարադրել հետևյալ խմբագրությամբ.

«39. Օտարերկրյա օդանավ շահագործողները, թղթային տարբերակով հայտերը ներկայացնում են Հայաստանի Հանրապետության տարածքային կառավարման և ենթակառուցվածքների նախարարություն՝ Երևան 0010, Հանրապետության հրապարակ, Կառավարական տուն 3:».

գ. 41-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչություն, Չվարթնոց օդանավակայան 0042, քաղաք Երևան» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարություն՝ Երևան 0010, Հանրապետության հրապարակ, Կառավարական տուն 3» բառերով:

5. Հայաստանի Հանրապետության կառավարության 2015 թվականի օգոստոսի 6-ի «Հայաստանի Հանրապետության օդանավ շահագործողների

կողմից Հայաստանի Հանրապետության տարածք, տարածքի ներսում և տարածքից դուրս երկու և ավելի ոչ կանոնավոր առևտրային օդային հաղորդակցությունների իրականացման թույլտվություններ տալու կարգը հաստատելու մասին» թիվ 1006-Ն որոշմամբ հաստատված հավելվածում կատարել հետևյալ փոփոխությունները.

1) 9-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչություն (այսուհետ՝ Լիազորված մարմին)» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարություն (այսուհետ՝ Լիազորված մարմին)» բառերով.

2) 37-րդ կետը շարադրել հետևյալ խմբագրությամբ.

«37. Օդանավ շահագործողները, թղթային տարբերակով հայտերը ներկայացնում են Հայաստանի Հանրապետության տարածքային կառավարման և ենթակառուցվածքների նախարարություն՝ Երևան 0010, Հանրապետության հրապարակ, Կառավարական տուն 3:».

3) 39-րդ կետի «Չվարթնոց օդանավակայան 0042, քաղաք Երևան» բառերը փոխարինել «Երևան 0010, Հանրապետության հրապարակ, Կառավարական տուն 3» բառերով:

6. Հայաստանի Հանրապետության կառավարության 2015 թվականի օգոստոսի 6-ի «Հայաստանի Հանրապետությունում գրանցված օդանավ շահագործողների կողմից կանոնավոր առևտրային օդային փոխադրումների իրականացման հավաստագիր տալու և կանոնավոր օդային հաղորդակցություններ իրականացնող փոխադրողի նշանակման կարգը հաստատելու մասին» թիվ 1010-Ն որոշմամբ հաստատված հավելվածում կատարել հետևյալ փոփոխությունները.

1) 4-րդ կետի «Հայաստանի Հանրապետության կառավարությանն առընթեր քաղաքացիական ավիացիայի գլխավոր վարչության» բառերը փոխարինել «Հայաստանի Հանրապետության տարածքային կառավարման և ենթակառուցվածքների նախարարության» բառերով.

2) Ձև N 1-ի.

ա) 1-ին կետը շարադրել հետևյալ խմբագրությամբ.

«1. Հայտը պետք է լրացվի, ստորագրվի, կնքվի և ներկայացվի Հայաստանի Հանրապետության տարածքային կառավարման և ենթակառուցվածքների նախարարություն՝ նախատեսված շահագործման օրվանից ոչ ուշ քան քառասուն (40) աշխատանքային օր առաջ՝ հետևյալ հասցեով՝ Երևան 0010, Հանրապետության հրապարակ, Կառավարական տուն 3, Էլ. փոստ՝ mta@mta.gov.am, ինտերնետային կայք՝ <http://www.mtad.am>:».

բ) 10-րդ կետը շարադրել հետևյալ խմբագրությամբ.

«10. Սույնով հավաստում եմ, որ ներկայացված տեղեկությունները հավաստի

են, և Հայաստանի Հանրապետության տարածքային կառավարման և ենթակառուցվածքների նախարարությունը ներկայացված տեղեկությունների յուրաքանչյուր փոփոխության մասին կտեղեկացվի ՀՀ օրենսդրությամբ սահմանված ժամկետներում:»:

3) Ձև N 2-ը շարադրել նոր խմբագրությամբ՝ համաձայն հավելվածի.

4) Ձև N 3-ի.

ա) 1-ին կետը շարադրել հետևյալ խմբագրությամբ.

«1. Հայտը պետք է լրացվի, ստորագրվի, կնքվի և ներկայացվի Հայաստանի Հանրապետության տարածքային կառավարման և ենթակառուցվածքների նախարարություն՝ նախատեսված շահագործման օրվանից ոչ ուշ քան քառասուն (40) աշխատանքային օր առաջ՝ հետևյալ հասցեով՝ Երեւան 0010, Հանրապետության հրապարակ, Կառավարական տուն 3, Էլ. փոստ՝ mta@mta.gov.am, ինտերնետային կայք՝ <http://www.mtad.am>:»:

բ) 4-րդ կետը շարադրել հետևյալ խմբագրությամբ.

«4. Սույնով հավաստում եմ, որ ներկայացված տեղեկությունները հավաստի են, և խորհրդի քարտուղարությունը ներկայացված տեղեկությունների յուրաքանչյուր փոփոխության մասին կտեղեկացվի ՀՀ օրենսդրությամբ սահմանված ժամկետներում:»:

7. Սույն որոշումն ուժի մեջ է մտնում 2024 թվականի հունվարի 10-ից:

Հայաստանի Հանրապետության

վարչապետ

Ն. Փաշինյան

Հավելված

ՀՀ կառավարության 2022 թվականի

_____ -ի N _____ ն որոշման

«ՁԼ N 2

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅՈՒՆ

РЕСПУБЛИКА АРМЕНИЯ

**МИНИСТЕРСТВО ТЕРРИТОРИАЛЬНОГО УПРАВЛЕНИЯ И
ИНФРАСТРУКТУР**

REPUBLIC OF ARMENIA

MINISTRY OF TERRITORIAL ADMINISTRATION AND INFRASTRUCTURE

Հ Ա Վ Ա Ս Տ Ա Գ Ի Ր

ԿԱՆՈՆԱՎՈՐ ԱՌԵՎՏՐԱՅԻՆ ՕՂԱՅԻՆ ՓՈԽԱԴՐՈՒՄՆԵՐԻ ԻՐԱԿԱՆԱՑՄԱՆ

**СЕРТИФИКАТ НА ВЫПОЛНЕНИЕ РЕГУЛЯРНЫХ КОММЕРЧЕСКИХ
АВИАПЕРЕВОЗОК**

REGULAR COMMERCIAL AIR SERVICES CERTIFICATE

Սույնով հաստատվում է, որ

Настоящим удостоверяется, что

This certifies that

Ավիաընկերություն (անվանումը)

Авиакомпания (Название)

Aircompany (Name)

Գտնվելու վայրը

Адрес

Address

Հեռախոսահամարը

Телефон

Telephone

Ֆաքսը

Факс

Fax

E-mail

E-mail

E-mail

Համապատասխանում է «Ավիացիայի մասին»

Соответствует требованиям закона Республики

Complies with requirements of the law of the Republic

Հայաստանի Հանրապետության օրենքի

Армения “Об Авиации” и соответствующим

of Armenia “On Aviation” and related

պահանջներին և դրանում նշված սույն

эксплуатационным нормативным

regulations prescribed therein

հավաստագիրը տալու հետ կապված

предписанным в нем в отношении

issuance of this certificate

համապատասխան շահագործողական նորմատիվային կանոններին:

выдачи настоящего сертификата. Авиакомпания является

commercial transport operating aircompany

Ավիաընկերությունը հանդիսանում է առևտրային օդային փոխադրումներ

авиакомпанией, выполняющей коммерческие

passenger and cargo transport

իրականացնող ավիաընկերություն, որին թույլատրվում է իրականացնել

воздушные перевозки, которой разрешается выполнять

passenger and cargo transport services

իրականացնել

пассажирские, грузовые и

passenger and cargo transport services

ուղևորային,
բեռնային և
փոստային
փոխադրումներ՝
սույն
հավաստագրին կից
հավելվածով
սահմանված
երթուղիներով:
Սույն
հավաստագրին
ուժի մեջ է օդանավ
շահագործողի
վկայականի հետ
միասին
ներկայացվելու
դեպքում:

почтовые
воздушные
перевозки по
маршрутам,
указанным в
Приложении к
настоящему
Сертификату.
Настоящий
Сертификат
действителен при
представлении
совместно с
Сертификатом
эксплуатанта.

This c
valid
with
Certi

Օդանավի տիպը

Тип воздушного
судна

Type

Հավաստագրի
համարը

Տրման ամսաթիվը

Номер Сертификата

Дата выдачи

Certificate number

Date of issue

Նախարար

Министр

Minister»: